

## **Avertiment di mari drete**

Cjare mari .. jò no sai  
a mi bàt tant fuart il cûr,  
al mi bàt pui fuart che mai  
s'o feveli insieme a lui.

Jò ti prei frutine mè.  
no dà rete a chèl frutât,  
tù .. tant biele e galandine,  
lui .. tant brût e stupidât.

Ma ce ditu cjare mari,  
lui cun me 'l'è tant zentîl,  
mi fevele cun che grazie  
che mi pâr di sei tal cîl.

'O capis frutine mè,  
ce che tù tu vuelis dì,  
ma no baste pa la fè

## *Poesie e Racconti Friulani*

e cumò ti fâs capì.

Lui 'l'è simpri in ostarie,  
sol' par bevi cu i amîs,  
di lavôr al no sa nîe  
e mal cjalât tal so paîs.

A' son cjacaris mamute,  
lui mi ûl 'na vore ben,  
al mi busse la manute  
ogni sere quant ch'al ven.

Jò ti prei ninive mè  
no lassâti mai bussà,  
al'è un bintar pà la fè,  
che ti ûl sol maridà.

Cjare mari .. no 'vè pore,  
chèst amôr al'è ben vêr,  
simpri .. simpri lui mi zure

## *Poesie e Racconti Friulani*

e mi dîs ch'al'è sincîr.

No sta crodilu ninine  
al'è furbo e smaliziât,  
chel ti puarte te rovine,  
no'l fâs nuje a tant viziât.

Mari Mari .. 'o soi stufade,  
chèste storie mi và al cûr,  
mi maridi te sierade  
pui no spieti senò 'o mûr.

Frute frute .. frute me,  
no tu vuelis mai capì,  
jò no ven sigûr cun tè,  
ma doman .. no sta vai.